

SANTU BERRIYAI ELEIZA BERRIYAK.



Aizadi-bolla zurrunbilloak
 Nola dituben astintzen,
 Zuaizti-baten irristatzean,
 Besanga-adarrak, ta erditzen
 Zinzilli-dauzkan azi ta lorak,
 Ta bere indarrez ereiten
 Eunka-legoaz urruti; ta anche
 Muñtegiya dan jaikitzen,

Ala Kristo-ren Eleiz-arbolak
 Esechi-gogor artean,
 Sustrairik ondo, distiatzen du
 Fede loratsu-betea.
 Bere semeak zabaltzen ditu
 Mundu biribil gañean,
 Kristau-berriak alcharik nun-nai
 Jesus aitortzen danean.

Ifar ta eguerdi, sortaldeko ta
 Sartalde diran lekubak,
 Santu-berrien neke ta odolez
 Eman dituzte frutubak;
 Frutu-gozaok goi-dituztenak
 Zerutar danen kantubak;
 Opa dituben frutu bikañak
 Eleiza Amaren Burubak.

Ingalaterra ugarte-alaya
 Inpernuakuak du sutzen;
 Enrike-errege odolgiroz
 Guzia dala naastutzen;
 ¡Tamesis ibai urdiñ ederra!
 Orduban dezu goitutzen
 Zere buruba, eta martiri
 Eunkaren palmak musutzen.

Taikosama-ren arrabi-ujolak
 Zabalik Japon-lurbiran,
 Kristau-piñenak, umantearrak
 Agertutzen da zeñ diran;
 Jabier-gandik jatorritako
 Fedez-suturik, begiran
 Zerubetara *Jesus-engana*,
 Milla-millaka an ill ziran.

Jake Soria erejearen
 Ontzi-samaldak or datoz,
 Arrapatzera fede-argiyak
 Daramaztenak ichasoz;
 Brasill-aldera dijoan pilla,
 Fede-aitorle dalakoz,
 Illkintza gogor izugarriaz
 An bialtzen du Zerurunz,

Afrika-lur ta Ameriketean,
 ¡O zenbait diran ugaldu
 Misiolari doneak, eta an
 Gizon galduai zabaldu
 Zeru bideak! Kristaudi-berriz
 Dira ibar danak estaldu,
 Ta oyen amorez bizia-emanaz
 Dira izarrez-gañ azaldu.

Goitu bitza, bai, kristandadeak
 Milla santuren izenak,
 Urrezko letraz zeru-erdian
 Izkribaturik daudenak,
 Zeru-biziko liburuetan
 Edergarririk onenak,
 Pio ta Leon Aita Santubak
 Aldarak eman diztenak.

¡China ta Luzon, Filipear ta
 Japon-ugarte otsdunak!
 Zerotan goitu bearrak dira
 Zeron semeta zaldunak:
 Miki, Kisai, Goto ta Martiñ
 Eta ogeita bi lagunak,
 Beraganatu zitubenak or
 Jaungoiko Guziz-aldunak.

Alaitu bitez ingeles-onak,
 Dubliñ-en eta Londres-en,
 Aldare eder ta Eleiz galantak
 Berriro an alcha ditezen;
 Errejinaldo, Kanpion, Moro,
 Beren lagunez goitetzen
 Erritar-berak zeruben gaiñez
 Or izango da errezen.

Indietako Kartajenaren
 Lur eta ichas-aldeak
 Millaka-beltzen obitegi ta
 Zeruratzeke ateak,
 Poztu zaitezte, Klaber-doneaz:
 Baña, zuk Berdu-echeak¹
 Ura sortzeko izan diranaz
 Eitzatzu Eleiz goiteak.

Segobia-rrak, Mallorca-tarrak,
 Alonso zuben gloriyak,
 ¿Nola ez ditu zuben-gandikan
 Izango berri-berriyak,
 Eleizak eta aldare urrezko
 Zillar ta loraz jantziyak?
 Errodrigez-en umiltasunak
 Merezi ditu guztiyak.

¿Ez dezu ekusten Berkman's ga-
 Beste doneen-artean? [laya
 Eleiza goitsu eder-ederrak
 Santu berrien ospean,
 Kristandadeak alchatu bitza,
 Lagun deiguten lurrean,
 Oiekiñ gero batu gaitezen
 Beti-betiko pozean.

Gere lagun ta bitartekotzat
 Santu berriyak arturik,
 Bero gaitezen adimentuak
 Fedeko egiaz goiturik,
 Geron biotzak ayen antzera
 Karidadeaz suturik,
 Ainbeste gure anairen koroiz
 Kristauak alkar pozturik.

JOSÉ IGNAZIO ARANA-KOAK.

(1) Berdu-n San Pedro Klaber-en jayotechean Eleiza egiten ari dira.